

te zwischen den lauffenden vnd stillstehenden Sternen sein soll: Derowegen/ vnd weil diß nit seye/so könne auch jens nit sein/ nemlich könne es nit war sein das die Erd umblauffe.

Disen *physicis* bin ich in meinem buch vom neuen Stern des 1604. Jahrs/ begegnet/ vnd hab ihnen nit gestendig sein wollen/ das es ein vngereimel vnd vnglaublich ding/ das die Welt so groß sein soll/ wie Copernicus will: vnd hab mit *Exemplis* erweisen das es nichts newes.

Darauß dann gefolget/ das der Erden lauff hiermit noch nit vngestossen. Mit so vil reden vnd widerreden ist D. Köstlin verjret/ weist nit mehr wa er drinnen: Heißt mich beweisen/ das die Welt warhafftig so groß. Antwort/ es ist nit noth/ das ichs beweise/ es folgt selber auß dem lauff der Erden wie er weist. Ihme aber ist noch zübeweisen/ daß die Welt gegen vns zu rechnen nit so gar groß sey: Alß dann so wird für sich selber folgen/ daß die Erd stillstehe. Dann es nit genug das D. Köstlin vnd seine *physici* dise größe für vngereimel halten/ ich beweise mit *Exemplis* (nit daß es also sey/ sondern) das es nichts vngereimels sey/ vnd derowegen auch der umblauff des Erdbodens nichts desto vngereimelwerde/ wann er gleich die Welt so groß machet.

D. Köstlin sagt/ weil man dise vnermeßliche weitte nit sehe hoch auff das Gesicht bawe/ so muß es nit *in rerum Natura*, sondern ein lauter *figmentum* sein. Antwort/ Er verjret sich/ dann niemand ist der sich vil vmb erweisung diser vnermeßlichen größe bekümmere/ es ist vns/ die wir diser meinung bengethon/ nit sonderlich wol damit/ das dise weitte für sich selber auß der Bewegung des Erdbodens folget/ wir rühmen vns auch gegen andern diser größe nit: sondern man treibt vns dahin/ daß wir vns schützen müssen/ das wir vns dero/ weil wir ihrer nit könden abkommen/ auch nit zu schämen haben. Wann dann D. Köstlin einen schriff weiter gethan/ vnd so gesagt haben wil/ Weil man zu erweisung diser vngeschwungenen größe/ vom Gesicht keinen behelff habe/ so könne sie nit war sein: vnd weil diß falsch/ so muß auch die bewegung des Erdbodens versitzen/ auß welcher jens folge. Alßdann so ge